


13. Zenasa zakonjawučeneho a Apolla daj swěrnje přewodźić, zo by jimaj w ničim nuza njebyla.\*

14. Njeh pak tež naši nawuknu, dobre skutki činić za nuzne potřebnosće, zo bych u njeplódnj njebyli.

15. Postrowjeju tebe wšitey, kotřiž su ze mnu; postrow tyeh, kotřiž nas lubuja we wěrje.\* Milosć Boža (budź) z wami wšitkimi. Amen.



## LIST S. JAPOŠTOŁA PAWOŁA NA FILEMONA.

Filemonej, kotrehož lubosć a wěru khwali, sće jeho wotročka Onesima, toho jemu poruča a jeho winu na sebje bjerje, wozjewjejo žadosć, zo by jemu služil při wopowědanju ewangelia.

**P**awoł, jaty\* Khrystusa Jězusa, a bratr Timotheus Filemonej, lubowanemu a našemu pomocnikaj,\*\*

2. A Appiji\* najlubšej sotře, a Archipej\*\* našemu towaršej, a zhromadźiznje, kotraž je w jeho domje.\*\*\*

3. Milosć wam a pokoj wot Boha našeho Wótea a Knjeza Jězusa Khrystusa.

4. **D**žakuju so swojemu Bohu, přeco na tebe spominajo w swojich modlitwach,\*

5. Slyšo wo twojej lubosći a swěrje,

kotruž maš ke Knjezej Jězusej a k wšitkim swjatym.\*

6. Zo by zjednoćenstwo twojeje wěry zjawne bylo w připóznacu kóždeho dobreho skutka, kotryž je mjez wami w Khrystusu Jězusu.\*

7. Přetož wulke wjeselo sym měl a pokojenje, zo buchu wutroby swjatych wokřewjene přez tebe, bratře.\*

8. **T**ohodla, runjež wulku dowěru w Khrystusu Jězusu mam, tebi poručec, štož k wěcy słuša,

9. Prošu radši lubosće dla, dokelž tajki sy, jako Pawoł, stary, nětko pak tež jaty Jězusa Khrystusa;\*

13. Zenas rěka zakonjawučeny, dokelž jako Žid zakon wukladowaše a druhich wo nim rozwučowaše. Apollo mjenuje so Jap. sk. 18, 24. Wobaj dyrbještaj na kupu Kretu přińć; snadź přijneseštaj tónle list a poručataj so Titej, zo by za wšo so starał, štož na dalši puć potřebeštaj. — 15. t. r. kotrychž lubosć k nam japoštołam ma swój korjeń a swoje prawidło we wěrje do Khrystusa.

1. Japoštoł wuzběhuje swoje zajeće, kotrež za Jězusa Khrystusa ćerpi, zo by skerje Filemonowu wutrobu pohnuł, a za swoju próstwu wuslyšenje dobył; njespomina tudy na swoje japoštołske zastojnstwo, dokelž w krótkim lisće njewučí, ale jeno prosy. \*\* Ze svojim zahorjenjom za ewangelium podpěraše Filemon skutkowanje japoštoła. — 2. Najskerje bě Appia Filemonowa mandželska, a tež jn staraše wobjeće lista a tohodla wobroća so Pawoł tež na nju. \*\* Archippus běše pak Filemonowy syn, pak dobry přećel. Z Kol. 4, 17 móžemy sudzić, zo bě zastupnik Epafrasa a tak předstojnik wosady w Kolossae; tuž mjenuje jeho Pawoł swójeho towarša, dokelž z nim přećiw nje přećelam wěry wojowaše. \*\*\* t. r. tamnemu dželej wosady, kotryž so w Filemonowym domje zhromadźowaše. — 4. Prjedy hač Pawoł prosyć počina, khwali Filemonowe dobre počinki, za nje so Bohu jako založerjej wšoho dobreho džakuj, zo by čim skerje wuslyšany był. — 5. t. r. wo wěrje, kotruž maš do Jězusa Khrystusa a wo lubosći, kotruž maš ke wšim swjatym, t. r. křesćanam. — 6. Njeh zwjazk wěry, w kotrymž sy ze mnu a ze wšemi wěriwymi, z tym so dopokaže, zo dyrbja wšitey připóznac, zo je mjez wami wšitkón dobry skutk Khrystusa dla dokonjany, tak zo wy wšitkim wěriwym milosće wopokazujeće. — 7. Wo čož prošu, je Bóh hižo dał, a tuž zwjeselich so nad skutkami milosće, z kotrymiž sy starosć a zrudobu wěriwych polóžał. Tute powšitkowne připóznac Filemonowych počinkow přihotuje japoštolej puć k próstwe za Onesima. — 9. Runjež směm jako japoštoł tebi poručec, štož maš činić, čen tola, dokelž sy jako milosćiwý muž so wobswědčil, jeno jako zestarjeny slaby muž, jako jaty će prosyć w nadźiji, zo moja wosoba, moja staroba a moje ćerpenja će pohnuja, zo po mojej radže sćiniš.